

VENDIM
Nr.677, datë 18.6.2009

**PËR MIRATIMIN E KALIMIT TË PRONËSISË SË PARCELAVE NDËRTIMORE, NË
FAVOR TË POSEDUESVE TË OBJEKTEVE INFORMALE**

Në mbështetje të nenit 100 të Kushtetutës, të nenit 17 të ligjit nr.9482, datë 3.4.2006 "Për legalizimin, urbanizimin dhe integrimin e ndërtimeve pa leje", të ndryshuar, të shkronjës "ç" të nenit 4 të ligjit nr.7980, datë 27.7.1995 "Për shitblerjen e trojeve", të ndryshuar, dhe të paragrafit të tretë, të nenit 175 të ligjit nr.7850, datë 29.7.1994 "Për Kodin Civil të Republikës së Shqipërisë", të ndryshuar, me propozimin e Ministrit të Punëve Publike, Transportit dhe Telekomunikacionit, Këshilli i Ministrave

VENDOSI:

1. Miratimin e kalimit në pronësi të poseduesve të objekteve informale të sipërfaqeve të parcelave ndërtimore, të zëna, sipas listës dhe planvendosjeve përkatëse, që i bashkëlidhen këtij vendimi, në:

- qarkun e Tiranës, 2772 parcela ndërtimore, me sipërfaqe të përgjithshme trualli 811 245,48 (tetëqind e njëmbëdhjetë mijë e dyqind e dyzet e pesë presje dyzet e tetë) m² ;

- qarkun e Shkodrës, 29 parcela ndërtimore, me sipërfaqe të përgjithshme trualli 8131 (tetë mijë e njëqind e tridhjetë e një) m² ;

- qarkun e Gjirokastrës, 24 parcela ndërtimore, me sipërfaqe të përgjithshme trualli 2 977,60 (dy mijë e nëntëqind e shtatëdhjetë e shtatë presje gjashtëdhjetë) m².

- qarkun e Durrësit, 397 parcela ndërtimore, me sipërfaqe të përgjithshme trualli 142 791,40 (njëqind e dyzet e dy mijë e shtatëqind e nëntëdhjetë e një presje dyzet) m² ;

- qarkun e Beratit, 38 parcela ndërtimore, me sipërfaqe të përgjithshme trualli 7 283,55 (shtatë mijë e dyqind e tetëdhjetë e tre presje pesëdhjetë e pesë) m²;

- qarkun e Vlorës, 1022 parcela ndërtimore, me sipërfaqe të përgjithshme trualli 355 758,25 (treqind e pesëdhjetë e pesë mijë e shtatëqind e pesëdhjetë e tetë presje njëzet e pesë) m²;

- qarkun e Lezhës, 201 parcela ndërtimore, me sipërfaqe të përgjithshme trualli 45 601,90 (dyzet e pesë mijë e gjashtëqind e një presje nëntëdhjetë) m² ;

- qarkun e Fierit, 34 parcela ndërtimore, me sipërfaqe të përgjithshme trualli 10 004,70 (dhjetë mijë e katër presje shtatëdhjetë) m² ;

- qarkun e Elbasanit, 545 parcela ndërtimore, me sipërfaqe të përgjithshme trualli 118 347,53 (njëqind e tetëmbëdhjetë mijë e treqind e dyzet e shtatë presje pesëdhjetë e tre) m² ;

- qarkun e Korçës, 9 parcela ndërtimore, me sipërfaqe të përgjithshme trualli 2 070,56 (dy mijë e shtatëdhjetë presje pesëdhjetë e gjashtë) m².

- qarkun e Kukësit, 1 parcelë ndërtimore, me sipërfaqe të përgjithshme trualli 162,79 (njëqind e gjashtëdhjetë e dy presje shtatëdhjetë e nëntë) m².

2. Ngarkohet Agjencia e Legalizimit, Urbanizimit dhe Integritit të Zonave/Ndërtimeve Informale për kryerjen e procedurave të kalimit të pronësisë së parcelave ndërtimore, të objekteve informale, nga shteti te poseduesi i ndërtimit pa leje.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha